

大日本史

七十


源顯家 源忠顯 列傳
 第一百六十六卷
 藤原道平 藤原定房 藤原為冬 列傳
 藤原光繼 藤原雅忠 藤原康長
 藤原行房 源定平 藤原清忠
 第一百六十八卷
 土岐賴兼 多治見國長 足助重範
 錦織義繼 櫻山茲俊 僧圓觀文
 觀忠圓聖尋 僧良忠 僧祐覺
 僧宗信 僧西阿

和書門類	一二八七一號	函架	一五〇冊
------	--------	----	------

內閣文庫	和書類	番號	和 12871
內閣文庫	和書類	冊數	150(70)
內閣文庫	和書類	函號	269 20



大日本史卷之



一百廿六

淺草文庫

列傳第九十三


權中納言從三位源光圀 修

男權中納言從三位綱條 校

玄孫權中納言從三位治保重 校


源顯家

源忠顯



家大納言親房長子、元應嘉曆間敘從

五位上、累進兼侍從左近衛少將、元弘元年



任參議、為左近衛中將、時年十四、公卿補任是春

帝與中宮及永福門院、幸權大納言藤原公

宗北山莊觀花、帝親吹笙、顯家舞陵王、容貌

閑雅、俯仰中節、觀者嗟賞、舞畢將退、帝召還

更舞一曲、賜物賞之、增鏡、舞御覽記三年兼彈正大

弼、公卿補任帝以天下新定、思鎮撫東陸、以顯家

為陸奧守、出鎮陸奧、出羽、辭以不慣、吏途將

率之事、不許曰、世屬升平、文武無別、在昔皇

子皇孫、執政大臣子胤、多總戎務、自今可講

武藩屏朝家也、顯家不得辭、彊赴任、欲請皇

子藉重、乃奉義良親王行、帝親書旗銘賜之、

及戎器數具、時縉紳之赴任、久廢缺、及顯家

出、乃悉稽循古儀、帝賜衣馬於御前遣之、神皇

正統特准鎌倉舊制、置評定眾引付眾及侍

所諸奉行、輔國政、建武二年記初護良親王惡足

利尊氏竊有執天下兵權之志、欲散其黨與、

以分其權勢、因推顯家為東方鎮將、使東國

將士從之、以壓尊氏、顯家姑者護良親王之

妃也、故為之、保曆居二月兩國率服、神皇正統記

建武元年以功敘從二位、二年兼鎮守府將

軍、公卿補任○太平詔奉義良親王與新田

義貞俱攻足利尊氏于鎌倉、太平顯家集兵

國內不能時發、乃率見兵轉戰而前、參取關城書、太平

記、延元元年抵鎌倉、尊氏既已西上、時東北

諸將新田義興千葉貞胤來屬、兵凡五萬、尾

尊氏晝夜兼行、至近江、使大館幸氏攻拔佐

佐木氏賴觀音寺城、斬五百餘人、帝遣船七

百隻迎顯家、泛湖至延曆寺、參取神皇正統記、梅松論、太平

記、與義貞攻園城寺克之、遂與諸將分道攻

尊氏、顯家以二萬人自粟田口放火而進、尊

氏望之曰、北畠殿來、吾不可不親當也、率數

十萬人禦之、戰數合、眾寡不敵、顯家兵善戰、

尊氏不能破、竝解而憇、義貞因縱兵突擊、尊

氏敗走、又出兵豐島河原、再攻尊氏、顯家先

登、諸將繼進、大敗之、尊氏西走、乃與義貞振

旅旋京師、太平兼右衛門督檢非違使別當、

公卿補任時尊氏黨與四方蜂起太平記於是顯家

奉義良親王復如陸奥元弘日記裏書詔併管常陸

下野二國保曆間記上書請曰陸奥國當邊境之

至要備蝦夷之不虞弘仁三年特下敕符建

鎮守府擇主帥之器授將軍之號秩從五位

上階率本國如鄰州牧宰兼任之臣今官昇

八座位至二品依別敕莅本州以功兼鎮守

府恩寵誠重雖然位高而官卑恐違先格願

今後三位以上任此職者加大字以為永格

因時制誼歷代之通規親王任刺史特號大

守蓋此類也伏望天裁建武二年記於是為鎮守

府大將軍建武二年記職原抄尋拜權中納言公卿補任進

攻相馬胤顯于法華堂相馬光胤于小高城


斬之相馬家傳二年春陸奥將士多應尊氏攻顯

家顯家戰不利與結城宗廣奉義良親王保

靈山城參取結城文書元弘日記裏書保曆間記敵又來圍

結城文書保曆間記先是帝御吉野官軍復振結城文書太平

記新田義貞遺書顯家勸發兵上道顯家未



發、會帝遣修理亮江戶忠重、敕顯家曰、朕向
 還軫京師、而足利直義負約、處置失方、殊乖
 朕意、今移蹕吉野、促諸國義徒、以圖恢復、卿
 須率官軍、速赴京師、庶賴卿力、平定天下、特
 以朕意諭宗廣等、令輸忠節、顯家乃以敕示
 宗廣等、眾咸感激、士氣益奮、結城文書因移檄徵
 兵、宗廣之族、及伊達信夫南部下山族等六
 千餘應之、顯家乃發靈山至白川關、管内兵
 士來赴幾十萬、進至下野、太平記駐宇都宮數

日、休兵馬而發、

參取結城文書、保曆間記

足利義詮兵扼

利根川、會霖雨水漲、眾不能涉、顯家部下齋

藤實永及弟豐後次郎亂流而進、餘眾隨涉、

水為之泛溢、西岸敵欲防之中流、溺死者無

算、大潰而走、顯家入武藏府、駐五日、宇都宮

公綱來屬、顯家遣兵攻芳賀禪、可降之、與北

條時行新田義興攻鎌倉、走義詮、

太平記

敵將

斯波家長退據杉本城、乃遣兵攻拔之、斬家

長、

參取保曆間記、室町家的始日記、尊卑分脈、鶴岡社務記

三年率兵赴

京師士卒侵掠恣暴、所過焚蕩、比至尾張、藤原昌能堀口貞滿引兵來會、兵勢彌張、沿道敵軍挑井直常土岐賴遠等、往往起躡後、衆至八萬餘、顯家駐陣青野原、與賴遠等戰、却之、會尊氏遣高師泰拒黑地河、太平記賴遠等又至、顯家前後受敵、難太平記取道伊勢、將赴吉野、太平記師泰追到雲津河、擊卻之、難太平記書、休兵柰良、集諸將問計、結城宗廣曰、不破黑地、徑詣行宮、帝若有問、無辭塞責、我兵雖

疲、足復京師、萬一致挫、屺暴屍於王城之下、亦可洩憤已、從之、未發、尊氏遣桃井直常邀之、顯家兵疲不能戰、潰走、顯家逃河內、收散卒據男山、軍聲復振、尊氏遣高師直攻之、顯家據險深塹、士皆力戰、敵軍不利、師直慮河內攝津官軍與顯家犄角、留重兵圍城、身陣天王寺、絕援路、顯家出城、與戰大敗、從二十餘騎、將突圍奔吉野、手自接戰、敵兵合圍、竟歿于陣、太平記時年二十一、公卿補任、贈從一

位右大臣

關城書高野金剛峯寺所藏親房手筆願文

子曰顯成

尊卑分脈

事後村上帝侍吉野行在園太子親成

尊卑分脈

源忠顯內大臣有房孫權中納言有忠子也

太平記

家稱六條或千種尊卑分脈又禪林寺

保曆間記

弱冠喜騎射以博賭酒色為事有忠絕

不為子

太平記

仕為左近衛少將

公卿補任後舟上錄

醍醐帝潛幸笠置忠顯扈之及笠置陷被虜

帝御六波羅南方北條仲時北條時益持放

忠顯及中納言藤原藤房給事左右既而從

帝適隱岐明年官軍所在竝起隱岐守護佐

佐木清高日夜巡警行在以防非常太平記然

衛士多竊欲翼戴者

增鏡伯耆卷

富士名義綱衛

中門奉旨往出雲招集兵士為鹽冶高貞所

拘帝遲之數日不至乃與忠顯謀託以三位

局產期在近移就外舍乘昏而出道斥輿步

行獨忠顯從焉扣路傍民家問千波湊主人

熟視帝對曰湊去此五十町許路多岐易迷

請為鄉導、負帝到湊、求舟御之、舟人亦以為
 非常人、曰、今日得奉此役、是生涯之榮、敢請
 所往、忠顯密謂之曰、是即天下之主、急欲屈
 出雲伯耆之間、指形便之地、赴之、事成、賞以
 邑土、舟人喜、解纜疾馳、佐佐木清高發舸追
 及、人皆驚愕、不知所為、太平記帝謂舟人曰、勿
 怖、第垂釣、舟人乃匿帝及忠顯船底、覆以薨
 魚、使柁工水手列立其上、盪櫓、而身坐釣、賊
 上御船徧索、舟人徐問曰、公等何索、賊曰、主

上逃去、必在海中、

參取梅松論、太平記

舟人詔曰、今夜

子刻有船出湊、一人冠、一人烏帽、簪纓之客

也、今行可五六里、乃遙指曰、船猶在彼、追兵

轉柁去、須臾、敵舸百餘艘、又追至、駛如飛、會

風止、御船不得進、帝投佛舍利于海、默禱、

太平

記、遙指云云、據天正本、俄而風起、敵舸西、御船東、漂蕩

數日、經出雲、到伯耆大坂湊、忠顯登岸、問路

人曰、此地亦有知名武人邪、人答以名、和長

年、忠顯遣使造其家、宣旨委託、長年即起兵

奉帝幸船上山軍勢大振參取太平記伯耆

天正本太平記曰忠顯與帝侍女通有孕帝

託其移就外舍以出謂忠顯曰所生若男必

為汝嗣及媿果男後以繼家梅松論曰富士

名義綱奉帝及忠顯適伯耆又按伯耆卷載

後醍醐帝播遷之始末忠顯以功為藏人頭

與諸書差異今不悉取

左近衛中將公卿補任保曆赤松則村攻北

條仲時北條時益于六波羅不利忠顯奉命

將兵往援之路收降兵幾得三萬人三萬據

但馬守護太田守延奉恒良親王舉兵至丹

波篠村適與忠顯會忠顯因奉恒良親王進

陣西山峯堂時僧良忠陣于男山赤松則村

陣于山崎忠顯恃衆自欲專功孤軍進入京

師令軍士綴帛鎧袖書風字以為號與六波

羅兵戰不利守延死之忠顯引軍還峯堂議


欲退軍兒島高德苦諫止之語見高德傳忠

顯怯懼即夜奉恒良親王奔男山時足利尊

氏自内野赤松則村自東寺入京師忠顯亦

自竹田入戰大克進圍六波羅忠顯令曰緩

攻曠日千劔破兵捨彼來救則腹背受敵宜



先其不來、急攻而拔之、軍士連車數百兩、撤
 屋材山積車上、推至城門下、火之以燔門樓、
 北條仲時時益遂挾光嚴院東奔、太平忠顯
 得神鏡于北山莊、奉安禁中、皇年代略記車駕歸
 關、忠顯率從兵五百前驅、以備非常、以功賜
 三大國及邑數十所為食邑、太平記○本書
今無考為彈正大弼、敘從三位、拜參議、公卿補任寵
 渥無比、忠顯自是奢汰無度、令家臣番設盛
 饌、日費萬錢、率所睚數百人就酣宴、又作大

厩畜馬數十匹、每醉著錦袴虎皮行滕、聯騎

遊獵、太平記足利尊氏之犯關、忠顯與結城親

光名和長年等拒之、大戰于勢多、梅松論延元

元年削髮、公卿補任尊卑分脈尋與近衛少將藤原雅

忠拒足利尊氏于西坂、戰敗而死、太平記四子

具顯、長忠、忠方、顯經、尊卑分脈顯經少納言近衛

少將、左右不詳正平七年諸將攻足利義詮于京

師、顯經以兵五百自丹波路入戰、參取園太曆太平記

後至權大納言、新葉和歌集子雅光、從三位權中

納言尊卑分脈

大日本史卷之一百六十六終

大日本史卷之一百六十七

列傳第九十四

權中納言從三位源光圀 修

男權中納言從三位綱條 校

玄孫權中納言從三位治保重 校

藤原道平 弟師基

藤原定房

藤原為冬

藤原光繼

藤原雅忠

藤原康長

藤原行房

源定平

藤原清忠

藤原道平關白兼基長子也

公卿補任家號

二條尊卑分脈

永仁中為侍從

公卿補任

任左近衛少

將、敘從三位、轉右近衛中將、進從二位、拜權

中納言、正安元年遷權大納言、進正二位、公卿

補任、一乾元二年兼右近衛大將、公卿補任、

歷代、藤原實家班舊在其下、俄為準大臣、道

平怏怏不樂、因辭職、閉門不朝、公卿補任德治初

起為左近衛大將、拜內大臣、既而辭大將、延

慶二年為右大臣、公卿補任、一正和中兼

皇太子傅、公卿補任、一轉左大臣、從一位、為關

白、公卿補任、一氏長者賜牛車兵仗、尋辭

左大臣、公卿補任、一後醍醐帝即位、辭關白、嘉

曆二年復為關白、元德二年罷、元弘末車駕

大略本史 卷一百一十七 列傳

在伯耆、詔復以道平為左大臣、氏長者、聽內

覽、公卿補任、歷代皇紀、駕還京師、召道平議還宮儀、所

言稱旨、鏡增令與右大臣藤原經忠參輔政事、

不復置關白、天正本太平記、○增鏡曰、建武

元年再兼皇太子傅、辭內覽氏長者、兼兵部

卿、二年薨、公卿補任、年四十八、歷代皇紀、尊卑分

四十誤、稱後光明照院、尊卑分脈、續三經忠者

關白家平之子、家號近衛、尊卑分脈、正中初拜右

大臣、元德二年代道平為關白、敘從一位、尋

罷、建武元年復為右大臣、公卿補任、與道平竝被

寵任、天正本太平記、二年為左大臣、及足利尊氏奉

光明院稱帝京師、授經忠以關白、經忠不自

安、明年自拔至吉野、公卿補任、仍為左大臣、神皇正統

記、後村上帝受禪於其第、吉野拾遺、正平七年薨、

公卿補任、年五十一、公卿補任、稱堀河殿、尊卑分脈、續古

今和歌集、有子曰經家、尊卑分脈、道平二子


良基、良忠、良基自有傳、道平弟師基、弟師基

分脈、

分脈、

師基正和中、歷參議右近衛中將、任權大納言、文保元年敘正二位、公卿補任、尊卑分脈、元弘三年授太宰權帥、往討筑紫探題北條英時、未發、會英時伏誅而止、延元元年足利尊氏犯京師、敕師基陣於峯堂拒之、不克、太平記、尋兼兵部卿、公卿補任、尊氏之再犯京師、師基從幸延曆寺、因奉敕如北國、調得兵三千餘而還、是時官軍新敗、倚師基兵、氣勢大振、於是左近衛中將新田義貞自內野、師基與千葉貞胤宇

都宮公綱等自河原、進擊尊氏於京師、尊氏分兵拒師基、師基與戰于五條河原、太平記、斬殺頗多、既而為赤松則祐所敗而退、及駕還京師、師基奔匿河內、金勝院本、太平記、後至吉野、任左大臣、進從一位、公卿補任、足利直義之送款、師基議宜容其請、帝從之、太平記、正平六年拜關白、公卿補任、尊卑分脈、太平記、八年官軍復京師、敕遣師基、與藤原公賢、參決還幸以前庶務、園太還曆、辭關白、薙髮、參取公卿補任、太平記、十五年征夷將軍



陸良親王據銀嵩反、教師基以兵千餘人討

之、戰一晝夜、一晝夜據西源院本遂破走之、

明年與細川清氏等討足利義詮於京師走

之、太平記二十年薨、大乗院年代記○新葉和

關白左大臣歌三首、蓋師基也、細院細子教基、

要記亦曰、師基薙髮號光明臺院、分尊卑教忠、教基正平八年與山名時氏俱討

足利義詮于京師、園太後為關白左大臣、取

天授元年歌合、新葉和歌集、公卿補任、教忠右近衛大將、園太

正平七年戰死奈良、園太野文書、河

藤原定房、正二位權大納言、經房之後也、尊卑

分父經長權大納言、尊卑公卿補任、家號吉田、尊卑

分定房建治德治間歷參議、右衛門督、檢非

違使別當、任權中納言、至正三位、元亨二年

遷權大納言、公卿補任、後醍醐帝之在藩邸也、定

房傳之、以故寵待優厚、增鏡嘗避方忌其第、歷代

皇紀特授從一位、公卿補任、增鏡定房家自先世子弟

出身、未有任近衛司者、帝特授其子宗房近

衛少將、增鏡○近衛帝西狩、定房留仕光嚴

院天正本駕還任內大臣兼民部卿尋辭內

大臣公卿補任延元元年足利尊氏反犯京師車

駕倉皇幸延曆寺定房馳入宮中收歷代寶

器追至行在尊氏再來犯復從至延曆寺尋

從還京師太平記明年光明院奪其民部卿定

房奔吉野踰年而薨公卿補任定房自父經長相

繼諳鍊朝典其日錄曰吉續吉續記始後深

草帝龜山帝皆後嵯峨上皇皇子相踵登阼

而上皇特鍾愛龜山帝欲使其後永承皇統

也及後宇多帝生輒立為東宮而後深草帝

自遜位之日別給長講堂領為其奉邑蓋欲

異時以之仍封其子孫也及崩遺詔大宮院

及北條時賴曰謹勿易朕所命已而時賴子

時宗承後深草帝意援立伏見帝為後宇多

帝東宮伏見帝立二年時宗子貞時又援立

其皇子胤仁親王為東宮後伏見帝是也於

是後宇多上皇遣定房于鎌倉以違先皇詔

讓貞時貞時不得已立上皇皇子後二條帝

因策定後深草龜山二宗迭立限以十年後
二條帝崩貞時執前議立後伏見帝皇弟花
園帝而儲宮未定或議宜立後二條帝子邦
良龜山法皇固愛皇孫欲其受禪與後宇多
法皇謀復遣定房諭貞時於是後醍醐帝繼
花園帝而立後宇多法皇又憐邦良幼孤命
爲後醍醐帝東宮而帝意欲立皇子尊良每
與邦良不相善及後宇多法皇昇遐帝遂欲
廢之貞時子高時不可而止無幾邦良薨帝

復欲立皇子護良而高時更立後伏見帝皇
子量仁帝怒以爲人臣與議皇統在古未之
聞况先朝遺詔皦如懸鏡乎然屢違之其如
天譴何乃復遣定房詔高時曰朝廷每有禪
代紛紛往復無有窮已而終不厭天意且後
深草帝嗣自有長講堂領雖登阼之日猶併
保之以增極其富有龜山帝胤潛龍無復有
奉邑甚無謂也欲必執十年迭立之議莫若
其在位十年間以長講堂領附吾宗也高時

遂不奉命、天下竟大亂、

參取吉續記、神皇正統記、太平記、異本太

平記、梅松論

定房二子、長宗房為中納言、後村上

帝圖復京師、過住吉社、使侍臣獻幣馬於神、

適祠前松無故而折、宗房奏曰、妖不勝德、何

畏之有、伊達有雅聞歎曰、昔者殷帝修德、故

能攘桑穀之妖、今未知有何德以勝之、以吾

觀之、車駕必不得入京師也、已而至男山、不

利而還、果如有雅言、太平記宗房官終大納言、

新葉和歌集、次守房至從一位大納言、定房

嘗養資房為子、官至參議、

公卿補任

藤原為冬、權大納言為世之子、任左近衛中

將、敘正四位下、

尊卑分脈

足利尊氏之反、從中務

卿尊良親王東征、尊良兵敗於竹下、退奔佐

野原、賊軍來追、為冬戰而死之、

太平記尊氏素

與為冬有舊、特哀惜焉、

梅松論

子為重、後小松

帝時、至從二位權中納言、

公卿補任

初藤原為遠

奉後圓融院敕、撰新後拾遺集、未成而死、為

重復奉敕續成之、後為盜所殺、

尊卑分脈、次拾芥鈔

為胤、左近衛中將、後為僧、分尊卑

藤原光繼、參議、光泰之子、公卿補任、尊卑分脈、○分脈或云、光

泰孫、光教子、未知孰是、家號堀河、分尊卑正中嘉曆間、歷

藏人頭、宮內卿、任參議、敘從三位、及後醍醐

帝播遷、出事光嚴院、陞正三位、帝還降為從

三位、建武元年復進正三位、尋為信濃國司、

公卿補任足利尊氏反、大智院宮及彈正尹宮自

東山道往征、光繼以兵二千會之、攻拔大井

城、明年躡尊氏後至京師、與諸將討尊氏走

之、太平尋敘從二位、任權中納言、信濃國司

如故、公卿補任帝再幸延曆寺、光繼扈焉、及駕還

京師、奔匿河內、異本太平記延元三年、戰死奈良、

公卿補任子光季、光有、尊卑分脈

藤原雅忠、○雅或家號坊門、○按雅忠以忠坊

為名、蓋清忠之族也、然系圖不載雅忠、今無所考、任近衛少將、○左右不

詳元弘之役、足利尊氏既納款、帝猶疑之、令

雅忠與赤松則村以鄉兵數百人屯岩藏、以

備不虞、遂與僧良忠等進討六波羅、延元中

從駕幸延曆寺、與中務卿尊良親王禦敵於西坂死之、太平記

藤原康長、關白師通之裔、曾祖雅平始稱法

性寺、父從三位親康、康長任左近衛中將、左

兵衛督、尊卑分脈、左兵衛督據太平記、正平七年、足利義詮

攻男山、帝使康長禦之、康長阻淀河、撤橋相

持、會山名師義以兵二千亂流而涉、太平官記

軍驚擾、天正本太平記、康長挺身奮戰、親斬敵三人

而引還、追兵連呼曰、大將亦示背於人邪、康

長曰、何難、旋馬返戰、比至男山、都十七次、敵

薄御營、康長選兵八百、制笠號、夜襲細川清

氏營、大敗之、既而帝衝圍歸吉野、戎服御馬、

以混軍士、公卿將士行多鬪死、一宮有種、追

及、幾逼于帝、康長大罵曰、將使奴輩知我手

力、下馬揮大刀擊踏之、敵猶追躡、雨射、康長

挺身轉鬪、破圍、帝賴得脫去、後從大納言藤

原隆俊、與山名時氏攻足利義詮、太平不知記

所終、

藤原行房從二位經尹之子也家號一條其

先行成以來家世以善書稱分尊卑行房官至

藏人頭印本尊卑分左近衛中將及笠置城

陷行房沒於敵記太平既而脫歸從幸隱岐鏡增

記太平侍奉甚慎帝頗眷遇而會光嚴院即位

選書悠基主基屏風歌者以京師無其人議

將召還行房帝聽之悵然鏡增明年乘輿還京

時從駕諸臣悉戎飾特敕行房及藤原光守

文服扈馬新田義貞行房妹夫也本書作女今據尊卑

分延元中義貞奉皇太子往北國行房從焉

金碕城陷行房死之記太平有二子行實成朝

尊卑行實為近衛少將行實名偕父從皇太

子赴北國屯于飽和會脇屋義助遇敵於鯖


竝舉火告急行實以二百餘人馳救尋將兵

五百餘攻足利高經於黑丸城戰於黑龍社

前不利而還不知其所終行房女弟入後醍

醐帝宮充掌侍為勾當有姿色新田義貞夜

直見其月下彈琴心艷焉竊贈和歌道其情



不報、帝聞憐之、至延元初、車駕還京、曲宴賜酒、義貞副以掌侍、義貞專愛繾綣、無復進征志、留連之間、遂致元兇逸命、餘燼再燃、乘輿播遷、而中興之業不立、議者憾焉、及義貞赴北國、以路程艱難、不攜去、後迎之、至則義貞既戰沒、再歸京師、會敵梟其首于京師、掌侍往哭其下、哀動路人、遂落髮為尼、住京西往

生院側、太平記

源定平初名良定、陸奧守定成子也、尊卑分脈、赤松

系圖、太平記 家號中院、仕後醍醐帝、任左近衛中

將、帝之幸笠置、定平從、大納言藤原師賢適

延曆寺、太平記 軍敗、奔行在、南都本太平記 行在陷、乃

逃匿山崎、會赤松則村起兵、攻六波羅、大敗、

因奉定平詐稱聖護院宮陣山崎、遂將兵從

鳥羽入、再討六波羅、又不利、及六波羅平、從

征夷大將軍護良親王還京師、時大佛高直

等據奈良、敕定平與楠正成等討降之、乃還、

藤原公宗謀叛、敕遣定平及伯耆守名和長

年等捕而斬之、新田義貞拒足利尊氏于兵庫、定平從之、力戰敗還、從駕延曆寺、敕定平將兵屯宇治、戰不利、及駕還京師、定平亡匿

河內東條、太平記、東條據金勝院本、至吉野、拜大納言、新葉

和歌集○按阿蘇社文書、興國正平際、有中院前中納言、從征西大將軍懷良親王之筑

紫攝軍務、恐是定平乎、然後為僧、不知其所本、書不名、今無所考證、

終、二子定清、雅平、尊卑分脈定清為左近衛中將、

任越中守、赤松系圖建武中、遷能登國司、足利氏

之反、越中守護普門利清舉兵應之、定清據

本國石動山、以拒敵、大軍來攻、定清率僧徒

苦戰死之、太平記

藤原清忠、左近衛中將俊輔子也、五世祖隆

清、建保中、參議左兵衛督、始家坊門、其後因

稱坊門、參取公卿補任、尊卑分脈清忠歷大藏卿、造興福

寺長官、任左大辨、參議、敘從二位、公卿補任建武

二年、足利尊氏謀反、抗表請討新田義貞、義

貞上表數尊氏罪、且告害護良親王事、詔下

公卿會議、皆未有所言、清忠獨進曰、臣視義

貞所言、尊氏八逆、皆當其罪、且殺親王、事若實、則尊氏罪不容誅、宜待關東之信至、就狀決其罪也、會護良訃至、乃下詔討尊氏、延元元年、尊氏舉兵鎮西、水陸進迫、京畿大震、義貞屯于兵庫、備要衝、詔河內守楠正成、援義貞、正成建議、言賊鋒不易當、宜召還義貞、車駕幸延曆寺、縱賊入京師、因過其糧運、臣與義貞掎角而進、一舉可殲、公卿皆曰、武事宜委帥臣也、清忠曰、自王師東征、迄賊西走、咸

靈所加、莫不以寡制衆、是天助、非戰略也、況今賊所帥、不必多前日東來之兵、而節度使未一接鋒、陛下輕棄京師、一歲之內、再移蹕延曆寺、則因何示萬乘之重哉、臣謂宜速遣正成、決戰都外、帝納其言、正成至兵庫、與尊氏兵接戰、遂死之、王師敗績、尊氏進陷京、帝遂再幸延曆寺、及尊氏乞降、清忠從駕還京、太平尋從幸于吉野、延元三年薨、公卿補任清忠在官、與藤原定房竝為帝所寵待、屢蒙顧問、

及二人相繼薨逝帝尤悼惜作歌曰古等登
波牟比等佐陪麻禮仁奈理仁計理和我與
乃須惠能保斗曾之良流留

新葉和歌集

大日本史卷之一百六十七終

大日本史卷之一百六十八

列傳第九十五

權中納言從三位源光圀 修

男權中納言從三位綱條 校

玄孫權中納言從三位治保重校

土岐賴兼多治見國長

足助重範

錦織俊政

櫻山茲俊

僧圓觀文觀忠圓聖尋

僧良忠

僧祐覺

僧宗信

僧西阿

土岐賴兼

○太平記作賴貞諸異本稱十郎

美濃人源賴光之裔曾祖光行奉後鳥羽帝

敕討池田某祖光定捕讚岐某皆以功授官

父賴貞為伯耆守尊卑分脈多治見國長賴兼之

族也稱四郎二郎為藏人多治見與賴兼竝

以驍勇著及後醍醐帝謀誅北條高時二人

適番直京師藤原資朝引為同謀賴兼族賴

春見行本太平記作賴貞諸異本作亦與焉


賴春妻六波羅奉行齋藤利行女也一夕賴

春對妻語及身後因悽愴涕下妻怪詰之賴

春遂以實告深戒勿泄妻以為事不濟則我

夫死矣濟則我親黨滅矣不如早發其謀使

夫有告變之功而父家亦獲全也遂告之利



行、利行大駭、責賴春日、如何爲此不祥之計、事若自外發、吾屬無類矣、賴春日計由賴兼國長、因請圖保全、利行馳告六波羅北方常葉、範貞是時攝津葛葉邑民忿爭作亂、範貞乃聲言置莊家制之、因悉召四十八所軍及在京兵士、欲以襲賴兼等、故俾賴兼國長在遣中、賴兼國長果不之知、戎裝待旦、明早範貞遣山本時綱、小串範行、率兵三千、分捕賴兼國長、時綱單身潛逼賴兼寢所、賴兼方

起理髮、見時綱至、奮然躍出、挺刀格鬪、既而敵衆大至、賴兼自知不免、走入寢所、潰腹死、家士盡鬪歿、範行率兵襲國長、國長會被酒而卧、倉皇驚起、側有游妓、取甲使擲之、小笠原通弘通弘據金勝院本適在其家、出望敵衆、告國長曰、謀已露、君宜決死也、卽執弓矢上門樓、射殪二十四人、銜力投樓死、國長乘間、與其兵二十餘人、關門待敵、伊藤秋澄秋澄據金勝院本父子四人、從門扇少隙、匍匐而入、卽擊殺之、

衆懼不敢逼、國長開門大罵挑鬪、敵衆怒爭
進、國長擊卻之、敵番陣而戰、自辰至午、殺傷
二百餘人、佐佐木時信兵千餘人、毀民舍、自
屋後入、國長知不可支、與其兵二十二人、交
刺而死、兼太平記○按增鏡曰、賴

足助重範、稱三郎、鎮守府將軍源滿政之後
也、五世祖重秀、源為朝外孫、始居參河足助、
稱足助冠者、分尊卑重範善射、與錦織俊政竝
以勇敢聞、後醍醐帝討北條高時、重範俊政

奉密旨預焉、事泄、車駕移幸笠置、六波羅鎮
將北條仲時、北條時益遣兵犯行營、重範登
門櫓呼曰、先鋒非美濃尾張兵邪、足助重範
欽奉聖旨、自守此門、本城車駕所御、六波羅
殿必親詣也、吾命大和工人、為備一二箭鏃、
請與諸君試之、乃發一矢、斃荒尾行忠、行忠
勝院其弟彌五郎、以身蔽其屍、扣心呼曰、君
手不似所聞、請再射之、重範以為彼恃重鎧、
乃射其兜鍪、貫顙殪之、太平山田重綱躍馬

逼埤、重範又射卻之、毛利家本天賊兵更擁

楯、肉薄而進、城中叫呼、兵皆殊死戰、會柰良

般若寺僧本性者、以事至行在、本性有膂力、

乘高連投鉅石數十人、馬壓倒相枕籍、死者

無算、賊兵褫魄、數日不敢近、及城陷、重範就

擒、見殺京師、太平記重範族人重信、賢尊重成、

元弘三年、從王師討高時、竝戰歿於鎌倉、卑尊

分及後村上帝時、宗良親王奉詔經略東國、

居井伊城、有足助重春者、迎親王於參河、以

圖進取、親王不果、李花集

錦織俊政、為判官代、太平記名據金勝院、承

久之役、有錦織判官代者、奉敕勤王、戰敗就

虜、東鑑○尊卑分脈曰、錦織判官也、俊政蓋其

後也、與足助重範等從駕笠置、城將陷、將士

崩潰、俊政奮曰、奉詔討賊、義當死報、逃將安

往、乃袒裼力戰、矢竭刀折、遂與其子及眾十

三人、刳腹死、太平記時有石川義純者、任飛驒

守、首應徵至笠置、城陷、與子義右俱自殺、卑尊

分脈

櫻山茲俊

名據金勝院本

稱四郎備後人及車駕在

笠置楠正成舉義茲俊城本國一宮以應之
衆殆七百餘略定國中將攻鄰境既而笠置
陷正成亦焚城偽死茲俊兵皆散乃知事不
成詣吉備津神祠先刺殺妻子火祠而後自
殺從死者二十三人○按金勝院本初茲俊
作三十餘人深敬此神常祈新其宮而不果欲立功邀賞
以給其資及敗死悉燒其宮社冀朝廷營創

也延元中又有櫻山左近將監者據備後以

勤王

太平記左近將監據金勝院本

蓋茲俊之族也

僧圓觀住法勝寺為數朝戒師僧文觀醍醐
座主東寺長者僧忠圓住淨土寺竝為僧正
後醍醐帝素崇佛教及謀滅鎌倉以天下武
人未易驟徵乃計賴僧兵以資軍興數行幸
延曆東大興福等寺以豫收衆徒之心而圓
觀文觀忠圓竝預焉元弘元年春帝託祈中
宮安產大召諸寺僧而特延圓觀文觀於御

前修法詛北條氏至期事漏高時遣人捕致
圓觀文觀以忠圓素為帝所親用亦併送之
以圓觀為累朝戒師頗加禮意及至文觀備
被訊掠遂款以詛事忠圓性怯先自首服自
朝廷密計參謀主名具狀以進高時乃竄文
觀於硫黃島忠圓於越後錮圓觀於陸奥及
亂平竝還住本寺文觀恃寵驕肆殖財蓄甲
有媚已者輒為奏請枉行霑賞貪競黨附不
知幾百每上朝兵從前後引路及足利尊氏

兵犯京師文觀與脇屋義助等拒之山碕兵

皆脆弱爭率出降文觀敗退太平以正平十

二年卒圓觀以正平十一年卒常樂記○按

慧鎮正平七年後村上帝之御男山足利義

詮遣慧鎮奏請解兵備帝伴答允之見太平


記園太曆而或云慧鎮即圓觀之號未知是否僧聖尋關白基忠之

子也為大僧正東大寺東南院法務東大寺

別當醍醐座主尊卑分脈毛利家兼笠置寺

別當笠置寺元弘元年帝南巡幸東南院聖

尋奉帝入松嶺寺松嶺寺據毛利家尚未顯



言駕臨、以察眾徒向背、而東大寺西室主僧

顯寶、見行本太平記作顯寶、今從諸異本、北條高時之族也、僧

徒憚之、無赴義者、聖尋知事不可成、又奉帝

抵山城、驚峯山、既而以其幽僻不便、移御笠

置山、記太平據險為行營、人心小安、乃徵兵近

國、鏡增近國將卒亦稍稍來集焉、無幾賊發大

軍來犯、城陷、賊擒聖尋、送六波羅、明年流於

下總、記太平及高時伏誅、得還住東大寺、以笠

置寺嚮為賊焚毀、奉敕再造之、笠置寺緣起忠圓

聖尋、竝不知所終、

僧良忠、關白良實之孫也、父良寶、權大僧都、

良忠為伯父關白師忠所子養、敘法印、尊卑分脈

稱殿法印、記太平護良親王候人、尊卑分脈元


弘初從駕笠置、與權中納言源具行謀出城、

班徵兵詔于諸國、及行在敗、帝御六波羅、良

忠謀奪之不果、尋被捕得、北條仲時使吏言

曰、方今圖滅鎌倉、萬乘之君且所不能、子等

舉事何粗、聞子圖按吾地形、謀奪前帝、罪不



容誅凡其所謀當悉自首良忠輒答曰普天
 之下無非王土拔主于難誰為非分仗義討
 賊何謂之粗辭氣奮激無所屈撓仲時議欲
 寘刑或止之謂宜留以引黨與乃付吏閉之
 室中記太平良忠多力夜潛破戶逃去分尊卑三
 年四月與赤松則村攻六波羅不利五月又
 與諸將攻克之其部下發民藏庫掠奪財物
 足利尊氏捕二十餘人梟首六條河原大署
 榜曰大塔宮候人殿法印良忠之部卒坐盜

處死良忠銜之與護良親王俱謀誅尊氏後
 帝信讒幽親王其從親王者三十餘人皆殺

之太平記按本書不載良忠死蓋同見殺也

僧祐覺祐或初居法勝寺學律太平稱覺應

坊今川家本北條家本西當後醍醐帝在船

上山乃入延曆寺更為山徒稱道場坊助注

記集兵勤王又從新田義貞東征足利尊氏
 足利直義拒箱根嶺祐覺使侍童十人僧兵
 三十餘人盛飾鎧侍童皆胄戴花勝先眾進

敵射斃八人、僧兵踵進奮擊、敵軍披靡、及官軍敗、車駕幸延曆寺、僧英憲先至、圓宗院僧定宗又以五百餘人來衛、徧點寺院民屋、以居軍士、祐覺擁千餘兵繼至、牒發山中、於是僧徒大集、輸錢六萬貫、穀七千斛、祐覺分以配給、軍賴大安、既而鎮守府大將軍源顯家率大衆至近江、事聞、敕祐覺發船七百餘隻迎之、尋與僧徒一萬及諸將分討足利尊氏于京師、僧徒前期攻宇都宮、公綱於神樂岡

祐覺以兵三百先登傅埤、定宗率五百人繼至、援之、賊竭力拒戰、矢石雨下、有因幡豎者全村、素以驍悍稱、手巨鏃箭、伺敵兵上城、自箭眼投鏃之、洞甲而斃、敵軍沮懼、僧徒因急攻破走之、時呼全村爲手鏃、因幡、車駕再幸延曆寺、祐覺復勵僧徒、率錢穀以佐軍用、既經數月、財資單竭、加之足利高經小笠原貞宗兵梗運道、軍中大窘、祐覺乃率五千人擊貞宗於野路、篠原敗還、及帝還、扈駕入京師、

足利尊氏惡其為山徒謀首斬之太平記

僧宗信為吉野修行敘法印住吉水院後醍醐帝自花山院出幸穴太遣從臣刑部大輔大江景繁諭告宗信駐蹕吉野宗信乃發僧兵三百奉迎造行宮御焉既而帝崩眾情沮敗皆無守心宗信入告曰先帝臨崩敕翼幼主討逆賊遺命在耳豈可遽懷離散况宗信在焉諸公勿為動慮方今四方官軍如上野有新田義興武藏有新田義宗越前有脇屋

義助義治其餘支族據有郡國者凡四百餘人加之筑紫有菊池松浦草野山鹿土肥赤星四國有土居得能江田羽床淡路有阿間志知安藝有有井石見有三角成合出雲伯耆有名和備後有櫻山備前有今木大富和田兒島播磨有吉川河內有和田楠橋本福塚大和有三輪西阿真木寶珠丸紀伊有湯淺山本井遠加藤遠江有井伊介美濃有根尾尾張有熱田大宮司越前有小國池風間

彌津大田近江有儀俄高山野村熊谷近江以下

據太平記正本山徒有南岸圓宗院此皆忠義金

石不以安危易節者宜速頒詔書勵以興復

也則誰廢前功以甘叛降適楠正行和田正

武率兵來警衛衆心賴以大安太平記官軍

異同今從見行本○按吉水院文書有真遍

者住吉水院助護良親王據吉野及城陷從

之南奔亂平還住蓋真遍乃宗信之號矣真

遍之後有成遍及尊壽丸世嗣云吉野人傳

云吉水院新熊野兩執行交領其務護良親

王在吉野專睦吉水院新熊野巖菊丸怒之

屬鎌倉兵為鄉導襲陷城後醍醐子乃賜諱

寵吉水院益渥降嫁皇女以誕一子乃賜諱

壽丸尊

僧西阿大和三輪人延元二年帝御吉野敕

諸國討足利尊氏太平記西阿應敕據關地城

舉兵尊氏遣兵攻之不能克島津文書○按

或關井及帝崩人心懷危懼西阿守節不撓太平

記興國二年尊氏又遣細川顯氏佐佐木貞

氏等來攻參取朽木文拒戰無利棄城走聚

兵還據城鶴岡社顯氏等又來圍遂不能拔

之渡邊後與子良圓從楠正行拒高師直兵

文書後與子良圓從楠正行拒高師直兵

于四條暇、不克、父子竝死之、細太平記、細要記、細其族

尚在三輪、勤王不易節云、修太平記、祇園日記、園



大日本史卷之一百六十八終

十

